



GARIS PANDUAN FASA PERALIHAN BAGI SEKOLAH MEMANDU

Dokumen ini menyediakan langkah-langkah di mana sekolah-sekolah memandu di bawah kawalan Kementerian Pengangkutan dan Infokomunikasi dibenarkan untuk menjalankan aktiviti semasa fasa peralihan dalam Rangka Kerja Pemulihan COVID-19 Kebangsaan. Pendekatan kami adalah berdasarkan memastikan pematuhan kepada langkah teras yang disenaraikan di bawah langkah-langkah Kawalan COVID-19, penggunaan *Antigen Rapid Test* (ART) untuk mengesanan awal penyakit dan memperkenalkan sekatan yang berbeza bagi individu sudah divaksinasi dan belum divaksinasi.

FASA PERALIHAN

Akan bermula pada tahap 70% perlindungan vaksinasi.

Kurangkan penyakit serius, kemasukan ke hospital dan kematian yang disebabkan oleh COVID-19.

Langkah-langkah yang akan dilaksanakan:

- Vaksinasi: Meningkatkan perlindungan vaksinasi termasuk dos vaksin penggalak.
- Pemantauan: Fokus laporan harian beralih daripada nombor kes harian kepada purata mingguan dan memberi tumpuan kepada penyakit serius dan kematian.
- De-escalation: Pembukaan semula tempat kerja, perniagaan dan sekolah secara berperingkat dengan kemungkinan sekatan peringkat rendah yang berterusan, diselaraskan untuk mengurangkan kes yang teruk.
- Pengesanan: Langkah pengesanan kenalan (*Contact tracing*) dan kuarantin untuk memberi tumpuan kepada pencegahan kluster COVID-19 yang besar.
- Sekatan Akses: Sekatan yang berbeza berbeza bagi individu sudah divaksinasi dan belum divaksinasi.
- Senarai Hijau Perjalanan: Menubuhkan Senarai Hijau Perjalanan dengan mengurangkan sekatan ke atas perjalanan masuk dan keluar untuk individu yang sudah vaksin penuh.



LANGKAH-LANGKAH KAWALAN COVID-19

- **Penggunaan BruHealth App:**
 - **Mendaftar *BruHealth*:** Semua premis mesti mendaftar untuk mendapatkan kod QR BruHealth.
 - **Mengimbas Kod *BruHealth*:** Pemilik premis hendaklah memastikan semua individu yang memasuki premis mengimbas aplikasi BruHealth mereka sebaik sahaja masuk (termasuk semua pekerja/kakitangan/sukarelawan).
 - **Warna Kod *BruHealth*:** Pemilik premis memastikan hanya individu yang mempunyai kod BruHealth Hijau dan Kuning dibenarkan masuk. Kad pengenalan hendaklah diperiksa sebagai pengesahan.

- **Vaksin Lengkap:**

Pemilik premis hendaklah memastikan semua pekerja/kakitangan/sukarelawan layak diberi vaksin (tiada kontraindikasi perubatan) telah divaksin sepenuhnya.

- **Penjarakan Sosial:**

Langkah-langkah menjauhkan fizikal yang telah ditetapkan: sekurang-kurangnya 1.5m antara individu jika boleh.

- **Pengudaraan Premis:**

Pemilik premis dalaman memastikan premis mempunyai pengudaraan yang mencukupi.

INDIVIDU YANG DIVAKSIN SEPENUHNYA

Seseorang individu dianggap telah diberi vaksin sepenuhnya jika dia telah menerima rejimen vaksin yang di dalam Senarai Penggunaan Kecemasan WHO (WHO EUL) atau vaksin yang diluluskan BDMCA. Kedudukan vaksinasi dalam aplikasi BruHealth, Sijil Vaksinasi Antarabangsa atau Buku Profilaksis (Buku Kuning) individu atau rekod vaksinasi lain yang boleh diterima boleh ditunjukkan kepada pengurusan premis atau penganjur acara sebagai bukti vaksinasi.



LANGKAH-LANGKAH UNTUK PEMBUKAAN SEKOLAH-SEKOLAH MEMANDU

Sekatan Kapasiti

- Slot latihan dan ujian praktikal memandu dibenarkan beroperasi dengan had kapasiti 30%-50% daripada kapasiti asal
- Kelas teori dan ujian Kod Jalan Raya (Highway Code) diadakan secara dalam talian (online)

Protokol Latihan dan Ujian Memandu

- Hanya individu yang lengkap mendapat 2 dos vaksin dibenarkan untuk hadir ke premis-premis berkenaan. Bukti pengesahan vaksinasi hendaklah ditunjukkan.
- Hanya individu yang mempunyai keputusan ART yang Negatif dibenarkan untuk menjalani latihan dan ujian memandu.
- Semua individu dikehendaki memakai sungkup muka (*face mask*).
- Semua individu dikehendaki mengimbas Kod QR premis dengan menggunakan aplikasi BruHealth.
- Hanya individu yang mempunyai kod BruHealth warna hijau dan kuning sahaja dibenarkan masuk. Kad pengenalan hendaklah ditunjukkan sebagai pengesahan.
- Individu yang mengalami simptom dan berisiko tinggi tidak dibenarkan masuk.
- mempraktikkan penjarakan sosial pada setiap masa.
- Mengelakkan sebarang kontak fizikal.
- Pemeriksaan suhu badan hendaklah dilakukan dan menggunakan sanitasi tangan sebelum memasuki premis.
- Memastikan Garis Panduan Kementerian Kesihatan Brunei Darussalam sentiasa dipatuhi.

Protokol Pengurusan Sanitasi dan Pembersihan Pembasmi Kuman

- Menjaga kebersihan diri sepanjang masa.
- Menyediakan tisu dan cecair pembasmi kuman untuk pegawai penguji, jurulatih, pelajar dan calon.
- Membuka tingkap kenderaan semasa sesi latihan dan ujian memandu



- Kenderaan latihan/ ujian hendaklah direhatkan selama 15 minit sebelum digunakan semula untuk latihan/ ujian dengan membuka semua pintu-pintu kenderaan bagi pengaliran udara
- Kenderaan latihan/ ujian hendaklah dibersihkan dan disinfeksi sebelum dan selepas digunakan terutamanya di bahagian permukaan alat-alat kenderaan yang sering disentuh/ dipegang seperti stereng, kerusi, gear, brek tangan dan pemegang pintu (*door handle*).